



“Vi zaista rastjerujete (džema'at). Onaj ko predvodi ljudе u namazu neka olakšava (namaz), jer među njima ima poneko bolestan, slab i onaj ko ima neku potrebu.”

Prenosi se od Ebu Mes'uda Ensarije, radijallahu 'anhu da je rekao: "Neki je čovjek kazao: 'Allahov Poslaniče, skoro da odustanem od (kolektivnog obavljanja) namaza zbog toga što ga taj i taj oduljuje.' Nikad nisam video Vjerovjesnika, sallallahu 'alejhi ve sellem, srditijeg u predavanju kao tada. 'Vi zaista rastjerujete (džema'at). Onaj ko predvodi ljudе u namazu neka olakšava (namaz), jer među njima ima poneko bolestan, slab i onaj ko ima neku potrebu.'"

[Vjerodostojan] [Hadis bilježi imam Buhari]

Jedan čovjek se požalio Poslaniku, sallallahu 'alejhi ve sellem, da ponekad ne dolazi na namaz u džematu jer imam dugo klanja, pa se Poslanik, sallallahu 'alejhi ve sellem, puno naljutio, a zatim se ljudima obratio i kazao da među njima ima onih koji ljudе tjeraju od namaza. Naredio je imamu da olakša ljudima, kako bi oni otišli sa namaza sa željom da ga opet klanjaju, a razlog tome je što među vjernicima ima onih koji ne mogu izdržati kada se dugo klanja, jer su slabašni, bolesni ili imaju neku potrebu. Kada klanjač samostalno klanja, onda može da odulji koliko hoće, jer tada nikome ne nanosi štetu.

<https://www.sunnah.global/hadeeth/bs/show/11295>